

Puo ea letona la Tekano le Bacha,
Lipapali le Boithapollo mohlomphehi
Likeleli Tampane holima
Letsatsi la Lefatše la Basali la la 08
Tlhakubele

Letsatsi la Lefatše la Basali le tšoaroa selemo le selemo tlasa mehoo e satšoaneng. Selemong sena, lefatše le tsepamisitse maikutlo holima mohoo o reng **boetapele ba basali nakong ena ea COVID-19.**

Boetapele bo mekhahlelo e 'maloa. Boetapele ka malapeng bo supile matla ao basaling ba le 'ona tlhokomelong ea ba lelapa. Ka lebaka la COVID-19 bokuli bo bile bongata haholo 'me basali haesale ba e tšoere ka bohaleng ho alafa ba malapa a bona. Ba bang ba basali ba ile ba ema ka matla ho etsa meriana ea bona ba Covid-19. Re bone ebile re utloile ka mafu ana a bileng mangata haholo, bang ba shoela matsohong a lona basali ba heso. Le e hlanakile sesali – ebile bana ba lona, hammoho le bona balekane ba lona bashoetseng liatleng tsa lona. Ka mohau oa Molimo ba bang ba ile ba phema lefu. Sena le se entse ka boitebalo bohle bo

'mè le sa tsotelle na lea tšoaetsoa kapa che, rea le leboha ka boetapele bona bo chatsi ruri.

COVID-19 ha se taba ea lekala la bophelo feela, empa ke tsenene e hlabileng ka sehloho moruo oa malapa a rona, e hlabileng likamano ka malapeng, e hlabileng likamano mesebetsing le metseng, e hlabileng le hona ho nonyetsa metsamao ea sechaba(Metsamao, kecho le eona ea ho ea fumana litšebeletso tsa bophelo)molemong oa ntšetsopele ea malapa le naha ka kakaretso. Re lipaki bohle, hore le mona basali ba ile ba tsoa, ho okhela bahaisane ba bona mollo le ho bafaela lipitsa. Re bone basali beats liphutheloana tsa lijo ba fana ka tsona ho bahlokang. Mona re pakeloa ke banna ba ileng ba ema ka maoto le bona ho tlatsetsa. U ke ke oa arola masali le pheliso ea tlala.

Ha tsena tsohle li ntse li etsahala, ka masoabi a maholo basali ba bangata baiphumane ka har'a tthekefetso ka malapeng esitana le mapatlelong a naha. Bang ba bile bahloloa ke ntoa ha ba bang ba ile ba e fera. Boetapele ba basali bo ile ba totobala mananeong a li-ea-le-moea ka lithapelo tsa bosiu hosa. Ha boesa ba bang batsoelapele hoseng, motšoare esitana le mantsiboea ho memetsa ho Ramaseli ka maphelo a Basotho ka

kakaretso. Tšoarang le tiee bo 'mè pholoho ea naha ena e tlatlisoa ke mesebetsi ea lona e metle.

Ke ipiletsa ho lona bohle ho matlafatsa le ho thoholetsa seabo sena se seholo sa basali. Re thuseng ke hona hore bohle re be le mamellano, re sireletsaneng 'me re sielaneng tlhompho. Melao e re thuse ho felisa tlhekefetso ka malapeng, metseng, metsaneng, mesebetsing esitana le lipolotiking.

KHOTSO!

PULA!!

NALA!!!